



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 53. Quid dicendum de laborante lepra aliove simili morbo
vacantis.

[urn:nbn:de:hbz:466:1-73957](#)

periculo & irreverentia, vel ob deformitatem sine scandalo obire nequit. Abb. *in cit. c. 2. num. 4.* Garc. *loc. cit. num. 18.* Reginald. *in pr. for. penit. l. 30. num. 46. & 48.* ubi, quod arceatur quidem talis ab executione illius actus, in quo usus illius membris, quo mutilatus, requiritur, reliquos tamen exequi possit. Barbos. *l.c. & alii apud illum.*

Quæst. 53. Quid dicendum de laborante lepra aliove simili morbo incurabili?

R Esp. Rectorem Ecclesiæ seu parochum incidentem in lepram aliumve morbum similem incurabilem (puta, ut Parisi. *deref. l. 5. quest. 6. à num. 19. & num. 28.* apud Barbos. *in c. 4. b. t. n. 2.* Morbum Gallicum aliudve Scabiei genus & ulcera per totum corpus diffusa cum extrinseca deformitate) ita ut alteri servire, aut etiam ecclesiam ingredi nequeat, removendum ab officio & beneficio ejusque administratione, congrua ei ex redditibus beneficii parte assignata, aliumve ei substituendum & intitulandum, qui proinde non sit Coadjutor, sed Rector principalis & totalis saltem ubi morbus talis est, ut sine gravi scandalo & horrore in communi hominum Societate vivere non possit. Adeoque talem privandum sine sua culpa, sed non sine causa, nimur ob bonum publicum. Arg. *c. tua nos. b. t.* affirmat Gloss. *in cit. c. v. administrationis.* Innoc. *ibid.* & Gloss. margin. *lit. A. in c. de Rectoribus. b. t.* & in hanc sententiam inclinat Pirkh. *b. t. num. 7.* Oppositum tamen (quod non minus probabile affirmat Pirkh.) nimur talem, aut etiam alium beneficiatum propter infirmitatem perpetuum posse removeri aut privari jure & titulo beneficij, nisi consentiat aut resignet (uti id eum posse coram Ordinario, non tamen ad hoc invitum cogendum esse Rectorem leporum, asserit Campanil. *in divers. jur. rub. rub. 11. c. 17. n. 160.*) sed solum removeri posse ab officio & beneficio quo ad actuale exercitum ita ut licet ab animarum cura personaliter exercenda removeantur, beneficium tamen, & in eo fundatum officium seu curam habitualem retineant & sic intelligendum *cit. c. tua nos.* tenent Fagn. *in c. de Rectoribus. b. t. num. 7.* Suar. *Tom. 5. de cens. d. 51. s. 2. num. 18.* Garc. *de benef. p. 4. c. 5. num. 6.* Campanil. *loc. cit.* Lancellot. *inst. Can. l. 1. tit. de coadjut. s. 1. n. ult.* & alii, quos citat & sequitur Barbos. *in cit. c. tua nos. num. 4.* item Castrop. *tr. 13. d. 1. p. 9. s. 1. num. 18.* Neque his obstat videtur, quod *cit. c.* dicatur, necessaria vita subsidia Rectori Parochialis Ecclesiæ lepra percutio, & hinc ab administrationis officio remoto, juxta ecclesiæ facultates sint ministranda. Quia sensus est, eum ex parochialis ecclesia suæ seu beneficii

reditibus sicut ante alendum; non verò, quod alendum sit facultatibus ecclesiæ distinctis à redditibus beneficij. Neque *c. 1. de stat. & qualit. promovend.* ubi dicitur de Abbatibus, Decanis & Praepositis, qui Presbyteri non sunt, & de Archidiaconis, qui Diaconi non sunt, si justâ aliquâ prohibente, Presbyteri aut Diaconi esse non potuerint, prælationes amittant &c. Quia ibi sermo est de Abbatibus &c. Qui dignitates suas nondum cœperunt administrare; imò non plenè & omnino absolute, sed sub tacita conditione suscipiendo intra annum Ordinis sunt afferenti; ut si propter perpetuum aut valde diu duraturum impedimentum hunc suscipere non possunt, adeoque deficiat conditio, sub qua dignitates ipsis collatae sunt, eas amittant. Dum è contra, qui beneficia & dignitates plenè consecuti, & administrare cœperunt, superveniente tali impedimentoo, non sunt ab iis removendi, sed assignato coadjutore adjuvandi. Wielstner. *b. t. num. 10.* cum Laym. *in cit. c. 1. § fin. ver.* sed non placet. Ideoque licet idipsum dici posse videatur de electo in Episcopum, quod is superveniente tali impedimentoo, amittat jus ad Episcopatum, ita ut confirmari nequeat; idipsum tamen dici nequit de Episcopo electo & confirmato, quod is à dignitate episcopali removendus, seu eam amittat, dum ei necundum consecratio sine sua culpa supervenit istiusmodi impedimentum perpetuum & inhabilitas ad Episcopale officium. V. g. amittat usum linguae vel oculorum. Quia jam plenè consecutus suam dignitatem; cum consecratio nihil conferat ad spirituale illius cum Ecclesia conjugium, ob cuius indissolubilitatem, etiam speciali ratione, nunquam ob infirmitatem incurabilem & decrepitum senium amittat, aut cogatur relinquere officium episcopale suum quod ad habitum, et si etiam invitato dari possit ac debat coadjutor. Pirkh. *b. t. n. 10.* cum Abb. & Jo And. Quamvis contrarium teneat Fagn. *in c. consultationibus. b. t. num. 7.* quem fecutus fuit in meo Vicario Episcop. *quest. 341.* dum ait; electo in Episcopum & confirmato, qui ante consecrationem officium linguae vel oculorum amisit, aut alijs effectus est inhabilis, huic non datur coadjutor; sed amovetur in totum, nec debet consecrari. vide Tusch. *lit. C. concl. 402. n. 2.* quem pro eodem citavi *l.c.*

De cætero quæ jus canonicum *hoc tit.* quæque *ibid.* aut alijs AA. tam veteres quam recentiores de coadjutoriis & coadjutoribus tractare & querere solent, quia speciali tractatu, qui in meo *Vicario Episc.* est secundus à *quest. 305. ad. quest. 445.* plenè complexus fui, malui illuc Lectorem remittere, quam eadem inde transcripta huc referre.

TITU-